

©Yauzsing 2014

Longc Nzung/Lyric, Zunh doz qiex/Audio, Fangx Naangh/Video,
Zoc Nyei Sou/Writing, caux Fangx Linh/Power Point nyei
leiz/policy:

**Gunv zorqv mingh longc caux aamx cuotv duqv weic juangc jienv
bun Ziouv nyei kuv fiensex gormx lungx ndiev. Mv baac tov:**

1. Oix zuqc aamx cuotv nzengc, maiv dungx gatv (edit-tipv fai zorqv cuotv) zunh doz nyei waac fai fiev nyei sou fai nzung nyei waac.
2. Nzung nyei waac caux qiex maiv dungx dorh daaih baaux weic maaic nyaanh, Sou maiv haih longc nyaanh, maiv gunv meih ganh ndortv aamx nyei zinh.
3. Maiv haih zorqv zunh nyei doz fai fiev nyei sou aan meih nyei website, kungx haih kuangx/link hnavg cuotv liuz mbuox ndangc.
4. **Tov maiv dungx yienc fai piensex Ging-sou fai Yauzsing gongv nyei eix-leiz weic maiv oix pien caux piensex Ziouv nyei waac.**
5. Tov tengx jienv zorc oc. Laengz zingh mienh muoz. A'hneiv duqv juangc jienv bun Ziouv nyei kuv fiensex haih gormx lungx ndiev.



Mbuo Nyei Tin-Hungh

1. Mbuo sienx Tin-Hungh, Diex Dorn Singx Lingh
Tin-Hungh Singx Diex, Zeix lungh zeix ndau
Zeix mangc buatac nyei, mangc maiv buatac nyei
Ninh zeix baamh mienh, caux Ninh jiu tong
Baamh mienh zoux zuiz, dorngc cing-nzengc Ziouv

2. Mbuo sienx Tin-Hungh, Singx Dorn Yesu
Yiem Tin-dorngc daaih, benx dauh baamh mienh
Buangv nzengc Tin-Hungh, Buangv nzengc baamh mienh
Weic njoux yaac zuoqc, yietc zungv zuiz mienh
Ninh zuqc dingc daic, liuz aengx nangh daaih

Nz: Tin-Hungh Diex Dorn Singx Lingh se nduqv dauh Ziouv
Oix zuqc longc hnyouv, longc nzengc za'eix
Longc nzengc qaqv hnamv, mbuo nyei Tin-Hungh
Oix zuqc taaih Ziouv, Fu-sux Ninh hhangv
Zunv dingc hnyouv sienx, mbuo nyei Tin-Hungh

3. Mbuo sienx Tin-Hungh, Singx Lingh se Doz
Ninh yiem Diex Dorn, Njiec daaih yiem hnyouv
Ninh bun zingh nyeic, bun maaih ziangh maengc
Mbuo mau nyei dorngc, Ninh bun qaqv henv
Singx Lingh bun hnyouv nyiemz fingv jiex daaih

Nz: Tin-Hungh Diex Dorn Singx Lingh se nduqv dauh Ziouv
Oix zuqc longc hnyouv, longc nzengc za'eix
Longc nzengc qaqv hnamv, mbuo nyei Tin-Hungh
Oix zuqc taaih Ziouv, Fu-sux Ninh hhangv
Zunv dingc hnyouv sienx, mbuo nyei Tin-Hungh

4. Ceng mbuo nyei Ziouv, Zangc Diex Tin-Hungh
Weic mbuo sienx Ziouv, Yesu Giduc
Duqv Singx Lingh ceix, Tin-dorngc nyei fuqv
Mbuo kaux Giduc, Yesu zuoqc mbuo
Duqv Ninh korh lienh, duqv maaih baengh orn

Tin-Hungh Gengh Longx Haic

1. Yie nyei Tin-Hungh, Meih za'gengh longx haic bun yie
Meih gengh ziepc zuoqv, nyei hnamv mienh taux dauh taux muez
Tov meih ceix fuqv, tov meih ceix en
Tov meih ziux goux, weic meih korh lienh yie mbuo zuiz mienh

2. Yie nyei Tin-Hungh, Yie buangh kouv naanc tov meih tengx
Meih gengh dau yie, meih tengx bun yie maiv gamh nziex
Yie ndaauh kaux Ziouv, dengv Ziouv nyei mbuox
Bun yie duqv hingh, Weic meih se zoux yie nyei Tin-Hungh

Nz: Yie nyei Tin-Hungh, Meih se zoux Zien Jauv
Oix mingh Tin dorngh, Oix zuqc yangh horpc jauv
Yesu zoux jauv, yaac zoux zien leiz
Bun yie yangh zaqc, maiv pien mingh zaaix fai mbiaauc leih meih
Yie nyei Tin-Hungh, za'gengh maaih hatc maaz
Ziouv gengh nernh jiex, Meih hingh jiex nyungc-nyungc
Yie maiv gamh nziex, maaih Singx Lingh dorh
Duqv Ziouv caux yiem, duqv Ziouv dorh yie yangh cing-nzengc jauv

3. Yie nyei Tin-Hungh , puix duqv zuangx lungx ndiev mienh ceng
Baaux ceng Zangc Diex, ceng Ye-su caux ceng Singx Lingh
Daaih hoqc Ging-sou, Yaac ei jienv zoux
Yie oix ceng Ziouv, weic Meih a'hneiv zipv mienh buoqc zangc

Nz: Yie nyei Tin-Hungh, Meih se zoux Zien Jauv
Oix mingh Tin dorngh, Oix zuqc yangh horpc jauv
Yesu zoux jauv, yaac zoux zien leiz
Bun yie yangh zaqc, Maiv pien mingh zaaix fai mbiaauc leih meih
Yie nyei Tin-Hungh, za'gengh maaih hatc maaz
Ziouv gengh nernh jiex, Meih hingh jiex nyungc-nyungc
Yie maiv gamh nziex, maaih Singx Lingh dorh
Duqv Ziouv caux yiem, duqv Ziouv dorh yie yangh cing-nzengc jauv

4. Yie nyei Tin-Hungh, yietc liuz yiem fatv maiv leih go
Yie jangx taux Ziouv, Maiv la'kuqv Ziouv tengx jiex daaih
Hnyouv ziouc maaih qaqv, hnyouv ziouc fingv jiex
Yiem hnyouv yie hiuv, meih yietc liuz zoux yie nyei Tin-Hungh.
Yiem hnyouv yie hiuv, meih yietc liuz zoux yie nyei Tin-Hungh.

Zinh Ndangc, Ih Zanc, Nqa'haav Nyei Maengc

- 1. Zinh ndangc mbuo, maiv gaengh sienx Ziouv Yesu
Mbuo sienx zienh mbuo sienx dorngc mienv
Mbuo sienx zeix daaih nyei ga'naaiv
Maiv sienx zeix nyungc-nyungc nyei Ziouv**
- 2. Ih zanc mbuo nzuonx daaih sienx Ziouv Yesu
Guangc nqoi mienv guangc nqoi waaic sic
Bun Tin-Hungh zoux Ziouv gunv maengc
Loz nyei jiex benx siang zeix daaih**
- 3. Ziouv nyei en, liouc njiec daaih bun taux zuiz mienh
Zinh ndangc mbuo leih Tin-Hungh gengh go
Ih zanc mbuo kaux Giduc Yesu
Ziouc duqv nitv fatc Tin-Hungh Zangc Diex**
- 4. Yie mbuo zunh gorngv Yesu se Giduc
Ninh zeix maanc muotc wuov dauh Ziouv
Ninh zoux maanc mienh nyei njoux Ziouv
Ninh se ziangh jienv nyei Tin-Hungh**
- 5. Ziouv nyei hnamv, ih zanc bun taux mbuo baamh Mienh
Maiv dungx hnyouv ngaengc, goiv hnyouv guangc zuiz
Daaih sienx Yesu, ziouc duqv siang maengc
Yietc liuz nyei maengc, se sienx Yesu**
- 6. Maiv lauh mbuo duqv caux Ziouv yiem Tin-dorng
Yiem Tin-dorng gengh maaih baengh orn
Yiem Tin-dorng gengh maaih njang-laangc
Yiem Tin-dorng duqv buatc Yesu**

Ceix Jaa Ceix Hmuangv Doic

1. Tin-Hungh mbuox mbuo, laanh zuqc hnamv laanh
Laanh zuqc ceix laanh, yaac korh lienh laanh
Laanh fu-sux laanh, yaac zoux hnyouv zingx
Laanh zuqc taaih laanh, guangc laanh nyei zuiz

2. Tin-Hungh nyei waac, Ging-sou gorngv hnamv
Zuqc zoux hnyouv ndauv, zuqc zoux hnyouv longx
Maiv dungx mueic jieqv, zoux maux ceng hlo
Oix zuqc zieqv leiz, maiv qiex jiex siepv

Nz-Nz: Hnamv mienh oix zuqc, a'hneiv zien leiz
Hnamv maiv a'hneiv, zoux waaic nyei sic
Hnamv biux mengh yiem, gorngv caux zoux nyei
Maaih Ziouv nyei hnamv, yietc liuz maiv yienc

3. Duqv nzengc lungv ndiev, ndortv ganh hmuangv doic
Gengh maiv lamh longc, yaac maiv zic zinh
Ei Ziouv ceix jaa, yaac ceix hmuangv doic
Bun Singx Lingh dorh, Ei Ziouv Yesu

Nz-Nz: Hnamv mienh oix zuqc, a'hneiv zien leiz
Hnamv maiv a'hneiv, zoux waaic nyei sic
Hnamv biux mengh yiem, gorngv caux zoux nyei
Maaih Ziouv nyei hnamv, yietc liuz maiv yienc

4. Kungx Ziouv nyei waac, haih liepc wuonv jaa
Nqox zuqc hnamv auv, Auv zuqc taaih nqox
Zoux sic bun cing, jaa nyei jaax-zinh
Ziepc zuoqv bun Ziouv, ziepc zuoqv bun doic

Zunv Hnamv Bun Meih

M'jangc: Yie nyei auv, yie zunv dingc hnyouv, bun meih hnavgv

M'sieqv: Yie nyei nqox aac, laengz zingh meih

M'jangc: Yie gengh kungx hnamv meih ganh nduqc dauh

M'sieqv: Yie hiuv meih maaih, Tin-Hungh nyei zien hnamv, cingx haih hnamv yie

M'jangc: Yie hnamv meih hnavgv Ziouv hnamv yie nor

M'sieqv: Yie yaac taaih meih

Lomh nzoih: Mbuo laanh mbuoqc laanh, laanh yaac hnamv laanh

M'sieqv: Yie oix mbuoqc hnavgv mbuoqc Yesu

M'jangc: Yie oix hnamv hnavgv, Ziouv hnamv Jiu-baang

Lomh nzoih: Mbuo benx yietc norm sin, laanh zuqc ceix laanh

Lomh nzoih: Laanh oix zuqc fu-sux laanh

Lomh nzoih: Laanh nzie laanh, laanh zunv hnyouv bun laanh

M'jangc: Yie hiuv yie piatv, yie dorngc meih camv

M'sieqv: Yie yaac tov zuiz

Lomh nzoih: Mbuo laanh guangc laanh zoux dorngc nyei javv

M'sieqv: Yie buac meih maaih hnyouv hnamv Ziouv

M'jangc: Meih gengh hnyouv jangv, hnyouv longx bun yie

Lomh nzoih: Maiv gunv buangh kouv naanc, laanh tengx laanh ndaam

Lomh nzoih: Yie ndorpc meih zuqc ken jiex

Lomh nzoih: Dorh ziec Ziouv, Tin-Hungh bun meih yie



[Yauzsing Zoc 2014]

Yie Zipv Meih

M'jangc:

Yie zipv meih, daaih caux yie juangc maengc ziangh
Yie laengz jienv, ziepc zuoqv caux hnamv meih
Maiv gunv buangh orn lorqc fai you-nzauh
Kungx nzuonx seix, yie cingx haih leih nqoi meih

M'sieqv:

Yie zipv meih, daaih caux yie juangc maengc ziangh
Yie laengz jienv, hnamv yaac fu-sux meih
Maiv gunv buangh longx fai buangh kouv naanc
Kungx nzuonx seix, cingx haih leih nqoi meih

M'jangc caux M'sieqv:

Yie tov Tin-Hungh, ziux goux jienv mbuo nyei jaa
Bun mbuo haih, ei mbuo laengz nyei waac
Bun mbuo nyei hnamv, jiex gorn yiem Ziouv Tin-Hungh
Mbuo lomh nzoih, juangc jienv ceix jaa yiem Ziouv

M'sieqv:

Yie laengz zingh, duqv meih caux dornj jaa
Duqv juangc hnyouv, juangc hnamv, caux juangc hingh
Buangh zuqc sic, mbuo zuqc bungz hnyouv Tin-Hungh

M'jangc:

Yie a'hneiv, duqv meih zoux cai-doix
Yie laengz zingh, Tin-Hungh nyei fuqv.

Hepc Nyei Jauv

(Matv[^]tai 7 caux 1 Ko[^]lin[^]to 6)

1. Oix zuqc bieqc, hepc wuov dauh gaengh
Mingh zuqc mietc nyei gaengh se jangv
Mienh camv yangh, Kuh yaangh nyei jauv
Hepc nyei jauv, gengh aqc duqv yangh
Lorz buatac nyei mienh za'gengh zoqc
Bieqc mingh duqv yietc liuz nyei maengc
Heuc Yesu, Ziouv aah! Ziouv aah!
Maiv zeiz dauh dauh, duqv bieqc Tin-dorngh

Nz: Kungx dongh ei Tin-Dorngh Diex nyei eix
Zoux wuov deix mienh duqv bieqc hnavg
Taux siemv zuiz hnoi mienh heuc Ziouv aah!
Yesu gorngv, Yie maiv hiuv meih.

Zinh ndangc maiv gaengh sienx zoux waaic
Ih zanc kaux Yesu Giduc
Singx Lingh nzaaux nzengc mbuo nyei zuiz
Bun mbuo benx, cing-nzengc nyei mienh

2. Hiuv nyei fai? maiv dungx nduov ganh
Da'faanh zoux, maiv luonx horngh sic
Baaix miuc fangx, hienx auv hienx nqox
Maaic sin mienh, dongh saeng hienx mienh
Luv mienh caux hopv diuv nquin mienh
Mauv ga'naaiv, dorngx baaix miuc fangx
Gorngv doqc mienh, zoux zaqc nyei mienh
Naaiv nyungc mienh maiv duqv yiem Tin-dorngh (Nz)

Maengc Nyei Jienv

1. Mbuo nyei maengc, gengh maaih ziex nyungc nyei jienv
Maaih Ziangh hoc, zoux dongh jienv nyei
Mbuo longc maengc, zoux dongh jaaix nyei
Mbuo maaih zinh, zoux dongh oix nyei
2. Mbuo nyei maengc, za'gengh maaih nduqc diuh hngangv
Mbuo nyei ziangh hoc nangv jienv mingh
Ziangh weic ganh, fai ziangh weic Ziouv
Mbuo zoux weic Ziouv se maiv ndortv
3. Longc ziangh hoc caux Ziouv Jiu tong
Longc ziangh hoc caux ganh hmuangv doic
Longc ziangh hoc dingh gong hitv kuonx
Ziangh maiv maaih hnamv nzuonx nyei maengc
4. Longc ziangh maengc zoux horpc Ziouv nyei jauv
Longx zinh zoih weic Ziouv nyei gong
Longc zingh nyeic weic fu sux Ziouv
Longc ziangh hoc buoqc zangc Tin-Hungh
Longc zingh ginx bun mienh taaih Ziouv

Hiuv Ziouv Nyei En Zingh

1. Mbuo lomh nzoih ceng Zangc Diex
Mbuo buangv hnyouv nyei fu-sux Yesu
Mbuo hiuv Ziouv se Tin-Hungh
Mbuo benx Ninh zeix daaih nyei mienh

2. Mbuo ceng Ninh dorh ziec Ninh
Weic Ziouv gengh longx yaac hnamv baamh mienh
Ninh njoux mbuo zuoqc baamh mienh
Mbuo ceng weic Ninh gengh puix duqv

3. Yie nyei hnyouv oix ceng Ziouv
Yie longc nzengc hnyouv ceng Ziouv nyei mbuox
Yie jangx taux Ziouv nyei en
Ninh guangc zuiz, zorc yie nyei baengc

4. Ninh bun Singx Lingh dorh mbuo
Ninh hnamv yaac korh lienh mbuo zuiz mienh
Ninh ceix en ceix fuqv bun
Ninh hnamv taaih ninh wuov deix mienh

5. Hiuv duqv en zingh nyei mienh
Maaih hnyouv laengz zingh yaac fongc-horqc maengc
Ziangh weic Yesu Giduc
Bun Ninh zoux da'yietv yiem maengc

6. Ziangh maengc doix diuc Ging-sou
Muangx Tin-Hungh nyei waac winh en zingh
Muangx Singx Lingh hnamv Yesu
Weic laengz zingh Ziouv nyei en zingh
Yie laengz zingh Ziouv nyei en zingh

Maaih Yesu Maaih Yietc Liuz Nyei Maengc

**Mbuo nyei maengc, maaih camv, zuqc mun zuqc nzauh
Maaih ziangh hoc, weic zuiz, wuom mueic zuqc cuotv
Zuqc jomc jauv maiv lamh kaux dorngx
Hnoi-hnoi nzauh jienv yiem
Maaih sin caux qiex nyei, mv baac hnyouv huang
Siensex Yesu, maengc corc maaih ziangh hoc hnangv koiv nor
Maaih deix faaux, maaih deix njiec
Buangh longc, buangh ciouv
Tin-Hungh dorh mbuo nyei ziangh maengc
Mbuo maaih nyei youh nzauh, ziouc goiv benx njien-youh
*Yesu Yesu Bun Siang Ziangh Maengc***

**M'sieqv: *Mbuo nyei maengc, laaic duqv, maiv maaih mienh hnamv
Mbuo buangh nyei, hnamv daaih, mienh maiv bieqc hnyouv
Buangh nyei naanc zingh maiv buangh jiex
Maiv maaih lamh kaux dorngx
Maaih diemv qiex ziangh jienv, mv baac hnangv daic
Siensex Yesu, duqv siang ziangh maengc, yietc liuz nyei maengc
Maaih orn lorqc, maaih njien-youh
Tin-Hungh, hnamv mbuo
Duqv caux Yesu juangc maengc ziangh
Loz nyei nyungc-nyungc jiex, duqv benx siang zeix daaih
Yesu Yesu Bun Siang Ziangh Maengc***

**M'jangc: *Mbuo nyei maengc, ih zanc, maaih Tin-Hungh hnamv
Maaih naanc zingh, kuonx hnyouv, zuqc mienh zoux doqc
Jomc, ngorc hnaangx, zuqc mienh hoic maengc
Mbuo duqv hingh jiex nzengc
Mbuo siensex dingc Tin-Hungh, Ninh gengh hnamv mbuo
Ih zanc cuotv, nqa'haav hingv oix cuotv daaih nyei sic
Maiv haih nqaev, maiv haih dangv
Yiem lungh, yiem ndau
Tin-Hungh nyei hnamv yiem Yesu
Maaih Ziouv Yesu nor, maaih yietc liuz nyei maengc
Yesu Yesu Bun Siang Ziangh Maengc***

Maiv Goiv Yienc Nyei Hnamv

- 1) Ziouv Tin-Hungh zeix lungh zeix ndau
Ninh zeix cuotv nyungc-nyungc ga'naaiv
Zeix mienh maaih Ziouv nyei fangx-zeiv
Weic naaic Ziouv hnamv haic baamh mienh
- 2) Zuiz bun mbuo caux Ziouv ngaevj jienv
Weic zuiz mbuo dauh dauh zuqc daic
Tin-Hungh cingx bun Ninh nyei Dorn
Ye su daaih njoux lungh ndiev mienh

Nz-Nz (1):

Ziouv Tin-Hungh hnamv	<i>[Ziouv Tin-Hungh hnamv]</i>
Haic lungh ndiev mienh	<i>[Haic lungh ndiev mienh]</i>
Ninh maiv oix bun	<i>[Ninh maiv oix bun]</i>
Haaix dauh zuqc mietc	<i>[Haaix dauh zuqc mietc]</i>

Kungx sienx Ye su duqv yietc liuz maengc
[Kungx sienx Ye su duqv yietc liuz maengc]

Kungx Ziouv Ye su yietc liuz hnamv mbuo
[Kungx Ziouv Ye su yietc liuz hnamv mbuo]

- 3) Tin-Hungh nyei waac Ging-sou gorngv
Maaih Ye su maaih yietc liuz maengc
Maaih qiex nyei ziangh hoc maiv zaaih
Longc nzuih nyiemc, longc hnyouv sienx Ziouv
- 4) Sienx Ye su za'gengh longx haic
Ye su bun mbuo maaih lamh kaux
Ninh laengz gorngv ninh maiv guangc mbuo
Oix dorh mbuo mingh taux Tin-dorng

Nz-Nz (1):

Ziouv Tin-Hungh hnamv	<i>[Ziouv Tin-Hungh hnamv]</i>
Haic lungh ndiev mienh	<i>[Haic lungh ndiev mienh]</i>
Ninh maiv oix bun	<i>[Ninh maiv oix bun]</i>
Haaix dauh zuqc mietc	<i>[Haaix dauh zuqc mietc]</i>

Kungx sienx Ye su duqv yietc liuz maengc
[Kungx sienx Ye su duqv yietc liuz maengc]

Kungx Ziouv Ye su yietc liuz hnamv mbuo
[Kungx Ziouv Ye su yietc liuz hnamv mbuo]

Nz-Nz (2):

Lungh ndiev nyungc-nyungc	<i>[Lungh ndiev nyungc-nyungc]</i>
Maiv lauh jiex nzengc	<i>[Maiv lauh jiex nzengc]</i>
Mba'hnoi nyei njang	<i>[Mba'hnoi nyei njang]</i>
Maiv lauh zungv hmuangx	<i>[Maiv lauh zungv hmuangx]</i>

Kungx Ziouv nyei waac yietc liuz yiem hnavg
[Kungx Ziouv nyei waac yietc liuz yiem hnavg]

Kungx Ziouv nyei hnamv maiv haih goiv yienc
[Kungx Ziouv nyei hnamv maiv haih goiv yienc]

Tin-Hungh (Diex, Dorn, Singx Lingh)

1. Ziouv Zangc Diex, zeix Lungh ndiev mienh
Mienh zoux zuiz, leih Tin-Hungh go
Ziouv Zangc Diex, laengz bun Yesu
Daaih dorh jauv, weic njoux zuiz mienh.

2. Ziouv Yesu, Se “Hnamv” njiec daaih
Ninh siev maengc, weic zuoqc mbuo nzuonx
Ninh diev mun, bun mbuo duqv longx
Ninh zuqc daic, bun mbuo duqv ziangh

NZ-NZ: Haaix dauh sienx, Yesu Giduc
Ziouc duqv yietc liuz nyei ziangh maengc
Maiv zuqc mietc, maiv zuqc dingc zuiz
Duqv baengh orn, caux Ziouv horpc hnyouv

3. Ziouv Singx Lingh, njiec daaih yiem hnyouv
Ninh bun qaqv, tengx zoux zorong-zengx
Singx Lingh njaaux, mbuo hiuv zien leiz
Ninh dorh mbuo, yangh horpc zien jauv.

NZ-NZ: Haaix dauh sienx, Yesu Giduc
Ziouc duqv yietc liuz nyei ziangh maengc
Maiv zuqc mietc, maiv zuqc dingc zuiz
Duqv baengh orn, caux Ziouv horpc hnyouv